


ԱՌԱՋԻՆ ՏԱՐԻ
№ 27
Տ Ա Ր Ե Կ Ա Ն
Բ Ա Ճ Ա Ն Ո Ր Դ Ա Վ Ի Ն Է
Թաւրիզում 14 դրան
Գաւառներում 20 դրան
Ա Ր Տ Ա Ս Ա Ն Մ Ա Ն
Ռուսաստան 4 րբ. 50 կ
Թուրքիա 50 դրան
Եւրոպա 12 ֆրանկ
Ամերիկա 2 տոլար 5 ս.
Յայտարարութիւնների վճարը
Առաջին երեսում տողատեղը 10 շահի
Զորքող 5
ԱՌԱՋԻՆ ՀԱՄԱՐԸ 6 շահի
Նմադրութեան հասցէն՝ Թաւրիզ
ՄԻՏՔ-ի խմբագրութեան կամ Tauris (Perse)
Rédaction du journal «MITK»



ՀԱՐԱԹԱԹԵՐԹ
ԱՂԳԱՅԻՆ—ՀԱՍԱՐԱԿԱԿԱՆ ԳՐԱԿԱՆ-ՔԱՂԱՔԱԿԱՆ

ՆԱԲԱԳՐԱԿԱՆ ԿԱՆՈՆՆԵՐ
1. Մեզ գրողները խնդրում են զերէն պարզ, մաքուր
և անպայման բոլոր առաջին երեսի վրայ:
2. Նմադրութեան իրեն է վերապահում իրաւունք՝
ստացուած յօդուածները փոփոխութեամբ և կրճա-
տումներով հրատարակելու:
3. Մենք մերժում ենք յստի և յովի ուղղագրական
հերձուածը և մեզ ենք վերապահում իրաւունք՝ ստա-
ցուած նմաները տպել մեր ընդունած ուղղագրութե-
ամբ—ուսով:
4. Չտպուած կարճ յօդուածները չեն վերադարձնուած:
Ուղարկուած և չտպուած երկար նիւթերը յետ ստա-
նալու համար պէտք է ուղարկել պատրի ծախսով:
5. Չի տպուի ոչ մի յօդուած եթէ դա կեղծ անուան
հետ միաժամանակ չի կրի յօդուածագրի անունը ազ-
գանունը:
6. Բաժանորդները թերթ չստանալու դէպքում շու-
տով տեղեկացնելու են մեզ՝ հակառակ դէպքում խմ-
բագրութեան իրեն գերծ է համարում պատասխանա-
տուութիւնից:
7. Չտպուած յօդուածների համար խմբագրութեան
բացատրութիւններ չի տալիս:
8. Հասցէները փոխելու համար պէտք է մեզ ուղարկել
2 դրան 10 շահի:

ՏԱՃԿԱՆՍՑ ՍԱՐՍԵՓՆԵՐ
ԵՒ
ԲՈՂՈՔՆԵՐ

Սահմանադրական Տաճկաստանը
Համիդի օրերի դժոխք Տաճկաստանից
էլ անցաւ: Բիթլիսի և Վանի շրջաննե-
րում անխնայ կոտորուած են հայերին՝
կենդանոյն մորթեցերծ անելով նրան-
ցից շատերին: Վերջին տեղեկութիւն-
ները յայտնում են, որ Վանի շրջանի
բոլոր հայ գիւղերը քանդուած են և
ժողովուրդը կոտորուած: Պոլսում
հայերի մէջ տիրում է խիստ մեծ յու-
զում: Ազգային ժողովը եռանդուն
նիստեր է գումարում: Պատրիարքա-
րանը յայտնել է կառավարութեան, որ
եթէ ամսիջապէս չդադարեն կոտո-
րածները, ապա իրենք պատրիարք-
արանի, եկեղեցիների, դպրոցների և
այլն բանալիները կյանքեն իրենց-
Տաճկաց և դրանով կյայտեն ընդ-
բողքը և կդիմեն ջտար պետութիւններին:
Հ. Յ. Իշահակեցիները մի տե-
սակ ուղարկատու է տուել կառավա-
րութեան, որ եթէ չդադարեցունեն
շարժերը, ապա իրենք կստանան
ժողովրդի պաշտպանութիւնը:

Ս. Դ. Հնչակեան կուսակցութեան
Տաճկաստանի կենտրոնական Վարիչ
Մարմինը Օգոստոս 24-ին հետեւեալ բո-
ղոքագիրն է ներկայացրել Եպարքոսին
«Հայաստանի մէջ վերջերս պա-
տահած տխրադիթ դէպքերը իրաւամբ
մտքերը խորապէս յուզելու առիճան
հասած են: Մեր Մասնաճիւղերէն այդ
առթիւ յաճախակի և խիստ բո-
ղոքներ կտեղան մեզ: Հայրենասիրա-
կան պարտք կհամարենք այդ դէպքերը
Ձեր մասնաւոր ուշադրութեանը յանձ-
նել: Փափագող ըլլալով Օսմ. պետու-
թեան խաղաղ զարգացումին կուգանք
պարտաւորացնել, որ ամեն ջանք չը-
նենայնով կարուկ միջոցներ ձեռք առ-
նէք հաստատելու համար խաղաղու-
թիւնը Հայաստանի մէջ»:
«Նոր-Աւետիս» №-62.

Վերահրատարակում
Սեպտ. 4-ի փոստով ստացանք
61, 62 և 63 բովանդակալից ու ճոխ
համարները «Նոր-Աւետիս»-ի, որ
վերահրատարակել սկսել է Օգոստոս
23/5 Սեպտ. -ից:

Կրկին հրատարակուելու առթիւ
№ 61-ի ճակատում կարդում ենք.
«Տաճկական տեսչութիւնը, Մայիս
16-ին, Նախորդ պատերազմական Ատ-
եանին որոշման համաձայն, փակեց,
Նոր-Աւետիս»-ը: Երեք ամսեայ մը
դադարէ յետոյ՝ վերաբացուած»¹⁾ Ըլ-
լալով՝ այսօր կսկսենք թերթին հրա-
տարակութիւնը»:
«Նոր-Աւետիս» վարչութիւն
Ի բոլոր սրտէ ողջունում ենք
«Նոր-Աւետիս»-ի վերադառնալը հը-
րատարակուելը: Նման անսովորեցող-
ւոր և ուժեղ մի թերթի հրատարա-
կութիւնը կարող է միայն ընդհ. ու-
րախութիւն առթել խմբ.

«Կոհակ» Օգոստ. 15 համարից
տեղեկանում ենք, որ վերաբացուած
է «Ազատամարտ»-ը և «Իշխման»
թերթերի հրատարակութիւնը, որ
խափանուած էր զին. ատեանի կողմից
1) Արդեօք «բարեմիտ» «Հայրե-
նիք»-ականները այժմ իրենց գոնէ մի
փոքր անհանգիստ կզգան այս տեղե-
րը կարդալով և յիշելով իրենց դար-
բնած այն չարահար սուտը, որ իր-
ենց մամուլով դիտմամբ ցարածել
էին «Նոր-Աւետիս»-ի «գրամի չգոյու-
թ.» պատճ. դադարմ. մասին: Եթէ
բելի է վերջապէս մի ազնիւ ու կօր-
րեկտ վարմունք տեսնել այդ մարդ-
կանցից ու իրենց օրգաններից: խմբ.

ՄԵՐ ԻՆՏԵՆՍԻՎԵՆՑԻԱՆԷ)
III.

«Միտք» № 25-ի սոյն վերտա-
նութիւնը կրող մեր առաջնորդո-
ղում մենք տեսանք մեր
երիտասարդութեան որոշ մասի մը-
տաւոր անբաւարար և բարոյա-
կան խիստ տխուր պատկերը:
Այժմ անցնենք այլ խմբաւո-
րումներ կամ այլ անհատներին:
Մի քանի տարիներից ի վեր՝
լեռնից ուժգնակի վայր հոսող շա-
ռաչալից գետակի նման՝ աղմկում
էին մեր շրջապատը մի քանի գոյգ,
այժմ բոլորովին բեկորների վերա-
ծուած, երիտասարդներ:
Կլանուած բրօշխներով, նո-
քա 1000-ամեայ անշարժ ու ան-
փոփոխ այս Պարսկաստանն էին
1) Տես սկիզբը «Միտք» № №-24 և 25

փոխադրել թուիչներ գործող և
կապիտալիստական կարգերով հը-
զօր արևմուտքը, անուանենք օրի-
նակ Գերմանիան:
Ինչ հասկանալի, իրերի բնա-
կան հետեւանք և օրուայ հարց էր
այնտեղ, կամ՝ այն կողմերում,
մեր բրօշխները յամառօրէն
և անյարիտօրէն պատուաւոր էին
նկրտում յանհարկնս յետամնաց,
ընկերական և կենսական բոլորո-
վին այլ հարցերով տարուած մեր
անպատրաստ ժողովրդի վրայ:

Գերազանցօրէն փրապիօրների
այդ աննշան խմբակը, հասկանալի
ձևով եթէ ասենք, ճշմունք էր կոյ-
րին հասկացնել գոյնը: Եւ բնակա-
նօրէն նպատակի չհասնելով, հա-
կառակ բազմաթիւ դասախօսութե-
անց, մատնուեց մոռացութեան,
դատապարտուեց անգործունէ-
ութեան, կարծօրեայ և պատա-
հական տխուր յետոյ, որը ար-
դիւնք էր Պարսկաստանի տարե-
րային և յանկարծօրէն պորթկող
շարժման:

Մտաւորականի կողմից այս
խմբ. մեր արդէն մասնանշած
աղմ. րիտասարդութիւնից բար-
ձր էր և կարող էր օգտակար լինել
մեր հասարակ. եթէ այնք. ֆանատիկ
և կամ այնքան սօփի եղած չլինէր:
Հերկէից անդր անցած այդ
ծագմամբ փրայն հայ «Մարքսիս-
տները»՝ հայ ու Հայաստան, ազգ ու
ազգային խնդիր բառերը լսելիս
այսահարոււմ էին և իրենց ուղ-
ղափառութեան բարձունքից արհա-
մարհանքի քմծիծաղ տալով ազ-
գային պատմա-անհատականու-
թիւնը պաշտպանել ձգտողների
վրայ, երգում էին համաշխարհա-
յին բանուորութեան ցաւը և վրճ-
ուել կամենում համամարդկային
եղանակութեան ծանր խնդիրը, մո-
ռանալով անդին՝ հոգալ իրենց ժո-
ղովրդին և մանաւանդ իրենց հաւա-
գանքներին, որոնք յայտնի է առա-
պում են նիւթակաւապիս անապահո-
վութիւնից:

Նոցա և ժողովրդի մէջ չկար
ոչինչ կապ և ներքին միութիւն,
որովհետև օրից էին կախուած
նոքա իրենց անժամանակ քարո-
ղով: Նոքա զօրավարներ էին ա-

ռանց զօրք ու զօրարանակի, ուս-
տի և աննկատելիօրէն էլ հալուեցան
և քաշուեցան ասպարիզից, մէկդի
դնելով յուսահատութիւնից իրենց
երէկուայ «իզմերը» և այն «զեմօ-
կրատիային», որի անունից կուրծք
էին թակում և որի համար իսպառ
անհասկանալի մնացին:
Սրանց հետ պէտք է հաշուել և նո-
ցա, որոնք ժրնակի և Եւրոպ. այլ քա-
ղաքների համալսարանները տես-
նելով՝ եկել էին այստեղ «ծայրա-
րոյն ձախակողմեան սկզբունքնե-
րով», բայց սոքա էլ մեռան—նոյն
պատճառներից ինչ վերինները և
առ առաւելն հանդիսացան մեր
կարօտ և օգնութեան արժանի ժո-
ղովրդի համար այն «Նոյեան Ազ-
նաւները», որոնց ցայտուն օրինակը
տուել է մեզ անմոռանալի վրպա-
սան Մուրացանը:

Սրանց մոլոր ու մոլար ուղի-
ով ընթանալ են ցուցնում նորա-
գոյն(?) մի քանի երիտաս. և, որոնք
իրենց խիստ սահմանափակ կրթու-
թիւնն ստացել են քաղաքիս օ-
տար միսսիօնների դպրոցներում,
որոնց ներսում հայկական ու ժողո-
վրդական ոչինչ չկայ, բացի շաբ-
րոն ձևերից, արտայայտութիւն-
ներից ու արգահատանք յաւուցող
խօսքերից:

—Մեզ համար ազգ, կրօն, ե-
կեղեցի և այլն նշանակութիւն
չունի—ասում են այն նորեկներ-
ը, որոնց ուղեղները վաղուց են
մթաւանած անմարս և անգիր արած
զանազան կատեղիքներով և որոնց
վարդապետներ անվիճելիօրէն պատ-
կանում են մարդոց այն կատե-
գորիային, որոնք իրենց..... աւե-
տարանից դուրս ամենքին հերձո-
ւածող և մոլորեալ են համարում:
Ել հասկանալի կլինի թէ որ չափով
ազատախոս և լայնասիրտ կլինին
նոցա «սանիկները»:

Մեր ժողովրդի հետ ոչ մի հո-
գեւոր կապ չունին այս նորագոյնի-
կներ և ի մեծ ցաւ հայ ժողովրդի,
սոքա ապրում և շնչում են այն
մթնոլորտում, ուր արդէն ձեռք
առնուած.... միջոցներով խամ-
լում և թօշնում է ազգայնութեան
ամեն մի ջինջ ու մաքուր զգա-
ցում և վաղը մեզ, թերևս, պէտք

եկող այդ մարզիկ դիմում են այժմ էն դէպի Գաղափարական և դէպի խորթացում:

ՆՈՐ ԿԱՅՈՒՄ

Միանգամայն նոր ընտրութիւններ

Ամսոյա 2-ին, կիրակի օր պատարագից վերջ՝ բարձրապատիւ Ներսէս վարդապետ Մելիք Թանդեանը խօսեց եկեղեցում և բացատրեց իւր գալստեան նպատակը:

Յարգոյ հօր խօսքերից իմացանք, որ Օգոստ. 22-ին խեմիս նախկին առաջնորդ գերապատիւ Տ. Կարապետ եպս. Տէր Մկրտչեանը Վեհին հրաժարական ներկայացրած լինելով, Վեհը իրեն ուղարկել է Թաւրիզ, որպէս թեմի ժամանակաւոր կառավարիչ:

Թեմի անկազմակերպ վիճակը, թեմի խորհրդի և թեմ. Ժողովի չգոյութիւնը, ասաց հ. սուրբը, մեծ ցաւ է պատճառել Վեհի սրտին, եւր մանաւանդ մի կողմից որոնողութիւններ են շատացել և միւս կողմից դատական գործեր էլ թափուել և կարօտում են մարդկանց: Ցաւ է իրօք տեսնել, որ խրիմեանից ինքնավարութեան կանգակ ստացած Ասորիստականի թեմը այսօր թողել է ամեն ինչ և երես դարձրել իր զործերից:

Ապա կոչ տնկով հասարակութեան, որ իւր սեպական գործերից դուրս՝ շարժեն մէկ կամ մի քանի ժամ նուիրէ հասարակական գործերին, վերջացրեց իւր խօսքը, նորէն հրաւիրելով ընտրեալներին գէպի գործ, իսկ հրաժարեալների փոխարէն կատարել նոր ընտրութիւններ:

Պատարագից յետոյ, մի քանի քաղաքացիների հետ մենք ևս ելանք առաջնորդարան և տեսակցեցանք բարձրապատիւ հօր հետ: Խօսակցութիւնից էլ պարզուեց, որ հայր սուրբը անելու է յաջողիչ ընտրութիւններ հրաժարեալների փոխարէն, առարկելով, որ իբր կնքէ 24 ոչ-հրաժարեալներ: Նոյնպիսի տեղեկութիւն լսեցինք և թեմ. խորհրդի մասին, որի իբր մի սանդակներից «հրաժարական» չէ ստացուել: Բնաշուք իրօք փաստ է, որ մարդիկ երկար ամիսներ Ապրիլից սկսած ժողովի չգալով՝ փաստապէս կազմալուծել են թեմական խորհուրդը ևս:

Արդ՝ մենք գալիս ենք ասելու, որ եթէ եղել են անձինք, որոնք իրերի դեմքեան մասին այդպէս զեկոյց են տուել մեր նորեկ ժամանակաւոր կառավարչին, ապա շեղել են նորան ուղիղ ճանապարհից և չեն եղել օգտակար իրենց խորհրդատուութեանց մէջ: Եւ այդպիսով անշուշտ ձախողելու են հայր սուրբի յաջողութիւնները:

Երկու կարծիք չէ կարող լինել այն մասին, որ արդէն գուժաւորած թեմական ժողովի անդամների «ընտրութիւնը շատ տեղ չէր և անցիտակցաբար, գալիս գտնելով, որ այդ «ընտրութիւնները» եղել են յանուն ժողովրդի, բայց ընդդէմ նրա կամին, որ այդ ընտրութիւնները, սկսած կենտրոնից մինչև գաւառները, խիստ աննշան բացառութեամբ, եղել են ոչ-ժողովրդական ընտրութիւններ: Այնտեղ են «Զանգի» էջերը լիովին սպառնացելու մեր ասածը՝ իրար իրար կամ անհատազատ պատգամաւորների» մասին:

Հէնց այն հանգամանքը, որ այդ ժողովը իւր իւր առաջին նիստերում

ընդ նախագահութեամբ արաջնորդ հօր-առնանարեց Վեհից հաստատուել կանոնադրութիւնը-թիւ 5 հակառակը պընդէ փոխանորդ հայր Մանուկեանը-զրկեց նորան վերջին համակրութիւնից ժողովրդի աչքում, որովհետեւ նա ամեն ինչ արեց կամայականութեամբ պատգամ. ճանաչելու մէկին, որ զեռ 4 ամիս էլ չկար եղել իւր ընտրութեան վայրում և կամ նորանց, որոնք բնաւ չէին ճանաչում իրենց «ընտրող» գաւառն ու ժողովրդին:

Այսպիսի հանգամանքներում հրամայական է յոյուրովին նոր կազմ թէ թեմական ժողովի և թէ թեմական խորհրդի: Առանց այն էլ, կարծում ենք, հէնց թերթերից պարզ պէտք է լինէին այս ամենը մեր թեմի յարգոյ կառավարչի համար: Երբ արդէն մտարակի մարդիկ ու ժողովրդական ազատէն շահագործողները այլ ևս ըստ առաջնոյն չեն հրամայում հրապարակում, ժամանակ է, որ հրաւէր կարդացուէր միանգամայն նոր ընտրութեանց, փոխան այն պատգամաւորների, որոնք օրը օրին մի հակասական արձանագրութեամբ վստահել են ժամանակները, որոնք առ ի չգոյէ օպպոզիցիայի-զի խեղդել են ամեն մի ոչ-թայ-Փայականի ընտրութիւնը—գաղափարաւորել էին անգործնէութեան, լքման, յուսահատութեան և բռնել հրաժարման ուղին:

Ինչ միտք ունի այն առարկութիւնը, թէ զեռ տարի ու կէս էլ ժամանակ ունի հինը, երբ արդէն երկու մարմինների էլ կազմը վաղուց է լուծուել և, ուրեմն, հրամայական է միանգամայն նոր ընտրութիւն, իսկապա լուծուած յայտարարելով արդէն կազմալուծման մարմինները:

Մեր ասածները փաստելու համար խօսենք օրինակներով: Յայտնի է, որ փետր. ամսից առաջնորդարանը-իմա թեմախալը և թեմ. խորհրդի եղած 1-2 հոգին-հրատարակում էր «Թաւրիզի Յայտարարութիւններ» անունով մի շարքով թերթ, որով և անում էր պաշտօնական ազդեր:

Այդ թերթի №5 և 9 Մարտ համարում կարգում ենք. «Ընտրուած պատգամաւորների մեծ մասն այժմ հրաժարում կամ բացակայ է, այնպէս որ հրապարակութիւն չկայ կարևոր գէպերում թիւմ. ժողով հրաւիրելու... պէտք է թեմ. խորհրդի կազմը լրացնել...»:

Ա. Տ.-Վ.

(Շարունակելի)

Իմ յիշողութիւնները պարոն Հ. Առաքելեանից.

Օգոստոս 21-ին մի խումբ՝ աւելի քան 60 յարգելի անձիքների բաւեցած մասնակցութեամբ Արամեան դպրոցի սրահում մեր թանկագին հիւր և յայտնի հրապարակախօս պ. Առաքելեանի պատուին տրուեց մի բանկէթ: Այդ իրիկուն խօսուեցան մի քանի յարգանքի ճառեր, իսկ ես այդ առթիւ տալիս եմ իմ զրաւոր յիշողութիւնները:

Նրա հայրը՝ հանգուցեալ վաճառականապետ Աստ. Առաքելեանը 60-ական թուականից Ղարաբաղից տեղափոխուելով Թաւրիզ՝ իր ընտանիքով մեր քաղաքում էր ապրում, որ յետոյ եղաւ միւր այն բարեբաղնիքից, որ 1870 թուականից հանգուցեալ վաճառականապետ Արզուման Նազար-

բէգեանի և մի քանի բարեգործ ձեռքերի հետ միմիկին արին Արամեան դպրոցի բարեկարգութեան և հանգանակեցին մի խոշոր գրամագրութիւն, որին իրանք ևս նուիրաբերեցին նշանաւոր գումարներ: Դրանցից առաջինի որդին է Հ. Առաքելեան, որ այսօր մի գրական խոշոր դէմք է, իսկ երկրորդինը՝ վաճառականապետ Զ. Նազարբէգեան, որ մի հասարակական անուանի և յարգելի գործիչ է, մանաւանդ ազգային ասպարէզում:

Ես պ. Հ. Առաքելեանին ճանաչել եմ 80-ական թուականներից՝ երբ նա մեր քաղաքում էր բնակուած: Նա մի կարճ ժամանակ սովորելով Արամեան դպրոցում, իր պատանի հասակից ցոյց էր տալիս մեծ եռանդ դէպի հայ գրականութիւնը: Երբ «Մշակ» լրագիրը լոյս տեսաւ 1872-ից, նա իբրը հագիւ քսանամեայ երիտասարդ սկսեց թղթակցել նրան, տալով իր վառվորուն թարմ կարծիքները: Այդ ժամանակամիջոցին նա սկսեց թարգմանել Փրանսերէնից Նաչապուրց Արշաւանքի պատմութիւնը եւ այդ եղաւ նրա անդրանիկ երկամիտութիւնը:

Հ. Առաքելեանը շարունակ խօսում էր իր շրջանում, որ մեր հասարակութեան զարգացեալների համար մի երկրորդ դպրոց էլ հարկաւոր է, և այդ իրադրութեամբ համար մի քանի բանիմաց անձիքների հետ խորհրդակցելով և նրանց աշխատակցութեամբ կազմակերպեց մեր ազգային ընթերցարանը Արամեան դպրոցին կից, որը ներփակում էր 700-800 հատոր գրքեր, հայերէն և օտար լեզուներով, նոյնպէս և այն ժամանակի գրեթէ բոլոր հայ լրագիրները: Այդ ընթերցարանը ոչ միայն գրադարան դարձաւ, այլ մի որոշ հանդիպատեղ, ուր գալիս էին պարզացած աշակերտները, ուսուցիչները, վաճառականները և մտաւորականները, որոնք թէ ընթերցանութիւն էին անում, թէ իրար հետ ծանօթանում և թէ գրախօսութիւններ անում: Այդ ընթերցարանը թէ և այս օր իր գոյութիւնը քիչ կերպ քարշ է տալիս և իր նախկին դիրքումը չէ, բայց նա իր ժամանակին տուել է իր օգուտները: Այսօր շատերը խոստովանում են, որ նա եղել է մի համակրելի հանդիսարան:

Անցաւ ժամանակ, Հ. Առաքելեանը փոխադրուեց Ռուսաստան, գնաց Պետերբուրգ համալսարանական բարձր ուսումն ստանալու համար, նա այն տեղից ուսանողական նստարանից էլ թղթակցում էր «Մշակին»: Երբ նա վերադարձաւ Թիֆլիս միաբերեցմանուր և գրիչը սրած՝ սկսեց գրել թղթակցել, յօդուածներ տալ թարգմանութիւններ անել, բրօշուրներ հրատարակել և այլն: Կարծես նա նախապէս ուխտել էր, որ իր ամբողջ կեանքի ընթացքում պիտի գործէ յօդուած «Մշակի» և հայ գրականութեան, և նա իր ուխտին չդաւաճանեց:

Այսօր պ. Հ. Ա. արեւելանը, ոչ միայն «Մշակի» խմբագիր հրատարակչներից մէկն է, այլ և ունէ իր սեփական օրգան-«Արօրը», որ միշտ օգտակար հրատարակութիւն է: Նա հետամուտ չեղաւ փառաւոր փալուն պաշտօնների, որ նրան կյանքուէր, այլ նա ընդմիշտ ընդգրկեց մամուլը և, հայ գրականութիւնը:

Եթէ այսօր մենք հաւաքենք և ի

մի բերենք Հ. Առաքելեանի բազմատեսակ յօդուածները, թարգմանութիւնները խմբագրականները հրատարակած բրօշուրները, գրքերը և գաւազան հեղինակութիւնները ահագին կուտակներ կդառնան և ահա դրանց մէջն է նրա փառքը:

Աւելին կասեմ, քանի տարի է որ նա միայնակ աշխատում է մի հայերէն հանրագիտակ բառարանի կամ անցիկլօպիտի վրայ և մեծ համբերատարութեամբ առաջ է տանում պրակ պրակ հրատարակելով. որը ոչ թէ մի արարածի, այլ մի խումբ բանասէրների զբաղմունք է. պատիւ և բիւր յարգանք յագնաշան Հ. Առաքելեանին:

Մաղթենք, որ մեր 60-ամեայ բանասէր-հրապարակախօսը երկար ապրէ և իր տարիքի հասուն օրերում աւելի և աւելի եռանդադին աշխատէ մեր գրական աշխարհում:

Աւագ խան Աժօրանդիլեանց

Թաւրիզ 28 Օգոստոս 1912

ԹՂԹԱԿՑՈՒԹԻՒՆՆԵՐ

21 Օգոստոս Թլիքան

Նախորդ գրութեամբս գրել էի ընդդէմադիր Եար-Մահմադ, Հուսէն Ղուլի, և Մուսէլի խաների արդի կառավարութեան առաջադրած պահանջների մասին: Այդ պահանջները թուում է նաև այն, որ Քիրմանշահի նահանգապետութիւնն էլ Շահագէ Սալարզովէին սրուել, որպէս միակ միջոց Պարսկաստանի այդ մասի խաղաղացման: Փակագծի մէջ ասենք, յիշեալ խաները և նրանց արդի զինակիցների մեծ մասը Պարսիկ Իէմօկրատ կուսակցութեան անդամներն են, ուստի տեղիս դէմօկրատներից բաւականաչափ մարդիկ ծպտեալ կերպով գնացել և գնում են միանալու նրանց:

Այս պահանջմանց հետևանքը եղաւ այն, որ կառավարութիւնը լիազօրեւոր Յովսէփ Միրզախանցին, այս օր ճանապարհեց Քիր. շահ հաշտութեան համար բանակցութիւններ կատարելու ըմբոստացած բանակաւորների հետ: Ինչ հետևանքի և կամ ինչ վախճանի են յանգելու բանակցութիւնները, այդ մասին կգրեմ լուրեր անտելուց յետոյ:

Ամսոյա 19-ի գեշերը մօտ ժամի 10-ին՝ Թէհրանից ութը վերստ հեռաւորութեան վրայ Ղազվինի ճանապարհին, Մէհրաբադի մօտ, գնացող թղթատարի վրայ են յարձակուել 20-25 ծպտեալ և հետևակ մարդիկ: Թղթատար կառքը հեռացելով՝ մի քանի հարիւր քաջ ճանապարհից՝ սկսել են կապոտել 5-6 ճանապարհորդների, 2 զուլամի և ձիավարին: Փոստից խլել են մօտ 1700 կանխիկ լիւրա: Իսկ Եւրոպա ճամպուռի քօլիներից անյայտացել են որոշ թանգ արժէք իրեր (հնութեան պատկանող): Ճանապարհորդներից աւագակների խլած կանխիկ դրամ, ժամացոյցներ, սիկարետի տուփեր և այլն հագիւ արժեքիս են եղել 4-500 թուման, (կողպաւուած ճանապարհորդներից մէկի ասութեամբ): Չարագործների մի մասի զուլաները ծածկուած է եղել Եւրոպական, իսկ մի մասին էլ Պարսկական գլխարկ-

ներով. միմեանց հետ խօսելիս են և գել պարսկերէն, թուրքերէն և ռուսերէն լեզուներով: Այս բոլոր գործողութիւնները աւագակներէ կողմից կատարուել են անպիտակ, առանց մի գնդակ արձակելու: Կողպատուածներէ մէկը նաեւ պատմում է, որ աւագակները մեզ և թ. թատարին կողպատելուց յետոյ, վերջը բռնեցին մայրաքաղաքի ճանապարհը և մթութեան մէջ անյայտացան:

Տակաւին կառավարութիւնը ոչ մի գործնական միջոց ձեռք չէ առել գտնելու և պատժելու չարագործներին, որպէս զի նման օրինակ դէպքեր այլ ևս չկրկնուեն:

Մեքաբազը կարելի է համարել մայրաքաղաքի հեռաւոր թաղերից մէկը, և երբ հենց կենտրոնական կառավարութեան քիթ տակ կատարուում են այսպէս անխորժելի դէպքեր ու կատարողները գերծ են մնում հետապնդումը, ու պատիժներ կրելուց, ուրեմն «Միտք» ընթերցողներին դժուար չէ հասկանալ որ ինչքան չեն կատարուել ու կատարուում Սուլթանաբազի շրջանի Հայաբնակ գիւղերում վերջերս կատարուած թալանների ժամանակ: Նոյնպէս և ինչքան չեն կատարուում Պարսկաստանի հեռաւոր ու խուլ անկիւններում, ուր սպանուածների հարստահարուածների, մի խօսքով բոլոր զրկուածների ձայները ոչ մամուլին է հասնում և ոչ էլ իշխանութեան:

Դրամի չափազանց շատութեան պատճառով, Տիկին Անահիտը կամ «Մայրիկը», այս օր ուխտագնացութիւն կատարեց Համադան, տեսնելու համար իւր հանգուցեալ ամուսին եփրեմի սպանուած տեղը:

Մեզ յայտնում են, որ շուտով տեղս է հասնելու Սուլթանաբազի շրջանի հայերի կոտորման, բռնաբառման և կողոպտման բռն իսկ շարժառիթը եղող «Սե-Սատանայ»-նորէն վարդապետը:

Տեղեկանում ենք նաեւ, որ Սուլթանաբազի գիւղացիներից տեղս գրաւուող ծառաները՝ դիմելով օգնութիւն են ուղարկել Ն. Յ. Դ. թեան լիտեր Դր. Ստեփանեանից, վերջինս խոստացել է տալ նրանց գէնքեր արժան գներով, որպէսզի տանեն գիւղ և նրանով պաշտպանուեն:

Տ. Ք.-եան

Գիլանեան նամակակնի 1)

10 Օգոստոս Էնզելի

Մօզաֆար-էդ-դին Շահը 1905-ին Եւրոպայից վերադառնալուց յետոյ, Ամիտ Սալթանէն Բարկարուց անցնող

ԲԱՆԱՍԻՐԱԿԱՆ

ԿՆԱՋ ԴՐՈՒԹԻՒՆԸ 1)

Շ. Լեւոնցով

Երկրագնդի ամեն կողմերում կնոջ վիճակուած է զարուկ լինել. միայն թէ՛ քաղաքակիրթ ազգերի մէջ աւելի փօր, իսկ վայրենիների մէջ աւելի մեծ չափով:

Պոլիսիցիայում կինը մի սպարանք է: Այդտեղ նա նախ քան ամուսնանալը իրան սիրոյ մէջ պարտ է գտնուել, բայց երբ ամուսնանում է, գաւնում է մարդու գերին որի հետ իրաւունք է համարում իրեն քէ-Քըն ուզածին պէս վարուելու:

Ամուսնական հաւատարմութեան խախտումը կնոջ կողմից խախտ պատժուում է,

1) Տես «Միտք» №-26

Շահի բանակին արած հակադիմադրութիւն և ի վարձատրութիւն՝ Սարգարը Ամլատ տիրոջին արժանանալով, թողեց Բարկարին և գնաց հաւատաւեց Թէհրանում, որպէս ձեռնոր գործի հրամանատար:

Հրապարակը մնաց Չարդամին: Վերջինս օր ըստ օրէ սկսեց մեծանալ: Վրայ հասաւ 1907-ի խուժանային շարժումը: Ամիտ Սալթանի Բարկարու ապարանքը որպէս բռնակալութեան բառախ, քարքանդ եղաւ թալանի ժողովրդի ձեռքով:

Նոյն բաղդին պիտի արժանանար նաեւ Չարդամը: Սակայն վերջինս աւել ճարպիկ գտնուելով՝ ամանադրականի կեղծ քղամիտ հագած՝ գիւղական անջուաններ և աղիւններ ընտրել տուեց. և նրանց խորհրդակցութեամբ շարունակեց գաւառներում անել: Այդ շրջանը երկար չտևեց: Ինչպէս մեր ընթերցողները գիտեն 908 թուին Մամադ ալի Շահի ստեղծած ռեակցիան նորից թե ու թիկունք տուեց միապետական հակուածներով անուած Չարդամին որ ցրեց գիւղական անջումանները և էլը սկսեց նախկին եղանակով որպէս տէր և տիրական գաւառներում թիւն անել:

Մի տարուան ազատութիւնը արդէն գիւղացիների աչքը բացել էր և չիպիտի կարողանար համբերել, երբ 909 թուին Յունվար 26-ին Սահմանադրականների ձեռքով Ռաշտի նահագապետ Սարգար Աֆղամը սպանուեց և Գիլանը անցաւ ազատականների ձեռքը:

Մանաւանդ որ Չարդամի նախկին բարեկամ Սփէհարն էլ գործի զրուխ էր անցած, անտուրի դիպլոմատը անմիջապէս հանեց բռնակալի շապիկը, փոխարինելով Սահմանադրականով, ապացուցած լինելու համար որ սրտանց ազատութիւն ուղղողների կողմն է: 30 հոգի իւր ձեռքերով զինելով, եղբոր Մամադ խանի առաջնորդութեամբ ուղարկեց Ռաշտ 909 թուի փետրվարին և մի նամակով հպատակութիւն յայտնեց տիրող կառավարութեան: Սահմանադրականների ցանկութիւնն էլ հէնց այդ էր, որ թալիշի կողմից ապահովուած լինի Գիլանի նոր կառավարութիւնը:

Հազվիմու վրայ արշաւող բանակի հետ գնաց նաեւ Մամադ խանը իւր 30 մարդկանցով, Չարդամի աջ թեւը չկար: Հարստահարուածները սկսեցին գլուխ բարձրացնել թաղի խանի և մի ինչ որ Հաֆիզ Էֆենդու առաջնորդութեամբ: Պահանջների շարքը սկսուել էր. յետ էին ուղարկ տարիների ընթացքում ապօրինի կերպով

բայց միւս կողմից կինը երբէք իրաւունք չունի գիմադրելու ամուսնու ցանկութեան, երբ նա ուղեկնայ նրան վաճառելու կամ փոխ տալու իր ընկերոջ: Կնոջ վրայ է ծանրացած ամուսնու համար կերակուր ճարելու հոգալը: Շատ անգամ կինը ժամերով մինչև գոտկատեղը ջրի մէջ արեաղարձային կիլիչ ճառագայթների տակ ձուկ կամ ջրային կենդանիներ է որսում ամուսնու համար. բայց դրա փոխարէն, կինը իրաւունք չունի այսպէս չարչարանքով ձեռք բերուած կերակուրի համն առնելու, նախ քան իր ամուսնու կշռանալը: Պոլիսիցիայի բոլոր կղզիներում չէ, տեսնի կնոջը տղամարդու հետ միտախն մի սեղանի նստած: Թալիշի կղզիներում՝ կանայք տարբեր կերակուրներ վրայ են պատրաստում իրանց և և ամուսինների կերակուրները և տարբեր

իւրացրած հարստութիւնը:

Չարդամը պատասխանում է, որ անցեալում եղածը մոռացութեան տան, բաւականան ներկայ ազատութեամբ:

Սակայն գրգռուած ժողովուրդը առանց ուշադրութիւն դարձնելու երեկուան հարստահարչի խօսքերին, ապստամբելով 1909 թուի ապրիլին գրաւում է նրանց սեպհականութիւնը: Ինչ որ տան մէջ կար թալանի ենթարկում. տաւար, ապրանք, ամբողջ նախիրները իւրացնելով Չարդամին փախցնում է թալիշից Կուրս: Չարդամը 50-60 հատ լաւ հրացաններ և տան միջի թանգազին իրերից բաւական թաղարած էր մինչ այդ օրը:

Եղածի առթիւ տեղեկութիւն հասաւ Ռաշտ: Յեղափոխական կառավարութեան վրայ այնքան էլ լաւ տպաւորութիւն չթողեց թալիշիների աւրածը: Բայց եղածը եղել էր, Ռաշտուց նոր գաւառներ ուղարկուեց Չարդամի փոխարէնը:

Հազվիմը գրաւելուց յետոյ Մամադ խանը վերադառնալով՝ Չարդամը հրապարակ դուրս եկաւ: Նոր գաւառների օգնութեամբ և նոր կառավարութեան հրամանաւ երկու եղբայր միասին սկսեցին յետ պահանջել թալանուած հարստութիւնը որից հազիւ կէս մասը ստացուեց:

Թալիշը բաժանուեց երկու մասի Չարդամականների և թաղիխանա-Հաֆիզ Էֆենդուական կողմերի, առաջինի տյժը օր ըստօրէ շատանալով վերջիններ փախստականի կեանք սկսեցին անցկացնել անտառներում և սարերում:

Վերջապէս Չարդամը գաւառներ եղաւ: Անցեալ աշնան հակառակորդներից Հաֆիզին կտոր կտոր անել տուեց:

Հին հակառակորդներից թաղիխանն է մնացել առաջմ:

Չարդամի թալարդ ընկնելու պատճառները: Այդ կտեանքը յաջորդիւ:

(Շարունակելի)

ԱճԻԱՐՏ

ԼՈՒՐԵՐ

ԹԱԻՐԻՉ

«Մեկտ. 1-ին շաբաթ օր, կէսօրից յետոյ ժամը 4 1/2-ին Սփահտար Աւագամը կառքով ուղեկցուած 100-ից աւելի միազգեստ պարսիկ կօզակներով՝ եկել էր փոխայցելութեան ռուսական հիւպատոսարան: Նոյն օրը իշխանը այցելութիւններ է տուել և միւս

էլ խրճիթներում ուտում: Բացի այդ՝ խնտիւ արգելուած է կանանց ոտ գնել այն տեղերը, որտեղով ամուսինը անցել է, կամ չմօտենալ գէնքերին ու ձկնորսական գործիքներին, նրանց չպղծելու համար: Խնտիւ արգելուած է նաեւ ամուսնու կամ հօր գլխի մօտով կամ վրայով անցնելը՝ երբ նրանք քնած են: Մարկիզեան կղզիների վրայ կանանց արգելուած է ջուրը մտնել՝ իրանց ներկայութեամբ ձկնորս չլախցնելու համար: Նրանց արգելուած է նաեւ ընտիր կերակուրների գործածութիւնը, որովհետեւ դրանք զոհարարուած են աստուածներին: Այդ կերակուրների շարքին են պատկանում թռչունները, կոկոսեան ընկուզները, ջրախորտը: Խոզի միւրը նոյնպէս արգելուած է կանանց: Սանգվիլան կղզիներում շատ կանայք քրիստոնէութիւն են ընդունել հէնց

հիւպատոսներին:

«Նոյնը օրը բազարում երկու ոսկերիչ հայ երիտասարդ տղաներ և մի հասակաւոր հայ ոսկերիչ բազարում կրել են թուրք խուժանի յարձակումը, ծեծուել են շատ սաստիկ, ապա վրայ են հասել ոստիկանները, որոնք փոխանակ ամբոխին ցրելու և ծեծուողներին ազատելու, իրենք ևս սկսել են մտրակներով ծեծել նոցա և մագերից քաշելով՝ այդ երեք հոգուն տարել են բէկէր բէկու մօտ: Հայերի յանցանքն, ասում են, այն է եղել, որ արգելել են և չեն թողել հեռանալ մի պարսիկ կին, որ իրենց մատանին վերցրած կամեցել է գնալ առանց դրամ տալու: Այդ բանից գրգռուած թուրքերը ստեղծել են վերոյիշեալ միջադէպը: Երիտասարդները ազատուել են, ծերունին դեռ պահուած և շղթայի տակ էր: Առաջնորդարանի կողմից տէր Հմայեակը գնալով հաճի Շօջա-էդ-Ռովլի մօտ, ազատել է նրան շրջաններից:

«Հաւաստի աղբիւրից իմանում ենք, որ Լիլաի դպրոցի հոգաբարձուներից պ. պ. Արտաշէս Տէր Յովհաննիսեան և Մ. Աւագեան հրաժարուել են:

«Ամսոյս 3-ին նոր Բարկուզաբը փոխայցելութեան էր եկել առաջնորդարան:

«Մի կարգ հետաքրքրական լուրեր, ուղարկուած Թէհրանի մեր սեփական թղթակցից, մնացին յաջորդ համարին:

«Վերջերս ռուսները Արքում հողի տակ թաղցուած են գտել այն թնդանօթները, որ ռուս-պարսկական պատերազմների հաշտութեան բանակցութիւններից յետոյ Ռուսաց կառավարութիւնը նուիրել էր Արքաս Միրզին: Թնդանօթների վրայ Ռուսներէն և պարսկերէն վերաառուութիւնները կարծես նոր փորագրած լինին: Թնդանօթները բերուած են հիւպատոսարան, մաքրուել ժանգերից և պէտքէ ուղարկուեն Ռուսաստան:

«Թեմիս ժամանակաւոր կառավարիչը իւր այցելութիւնն է տուել հիւպատոսարանին:

««Մշակ» №189-ում կարդում ենք Հայկազունու մեղակցնող պատասխանը կենտրոնական տեսչի առողջական վիճակի մասին:

«Ամբողջ Ռուսաստանի թերթերը լի են հայրենական պատերազմի առթիւ գնահատական զօրեղ յօդուածներով:

«Ուրախութեամբ լսում ենք որ Հ. Մելիք Թանգեանը եռանդով առաջ է տանում մեր դպրոցների ծրագրերի նոյնացման գործը:

Նրա համար, ոչ այդ կրօնը թողաւրում է խոզի միսի գործածութիւնը նաեւ կանանց: Ռաֆա փոքրիկ կղզու վրայ տղամարդիկ սուրբ են համարում և սովորութիւն է որ կինը ամբողջ մի տարի պարտաւոր է կերակուրի պատառը ամուսնու բերանը գնէ: Այս տեսակ յիմար սովորութիւն գոյութիւն ունի նաեւ մի քանի փոքրիկ կղզիների վրայ:

Մի քանի արշիպելագներում տղամարդիկ են տներ ու նաւակներ շինում, գետինը մշակում, քայց այնուամենայնիւ կնոջ վրայ է ծանրացած դժուարին գործերը՝ թիթենիների կեղից գործածքներ հիւսելը, բեռ կրելը և այլն: Նոր-Ջիլանիպոլում բեռ կրելը շատ մեծ ամօթ է համարում տղամարդկանց համար, այդ պատճառով էլ այդ պաշտօնը կատարում են կանայք:

(Շարունակելի)

ԱՏՐԴԱՏԱԿԱՆ

Ռուսական զորամասի հետապնդողները ներքին ընկած Շահումյանները ամրացել են Սաւալանի անմատչելի բարձունքներում: Ռուսները պաշարել են ելքերը, որ կամ ցրտից ու սովից անձատուր լինին նոքա և կամ ակամայ կռուի իջնեն:

ՊԱՐԱԿԱՆԱՆ

Թէհրանի մեր թղթակիցը մեզ յայտնում է, որ կառավարութիւնը պատրաստուած է ծանուցանողական գրեր ուղարկել Մէջլիսի նոր ընտրութեանց մասին: Եւրոպայից կանչուած է խնամակալը, որ պատասխանել է թէ կգայ:

ԱԶԳԱՅԻՆ

Տաճկանայ նոր սարսափները խիստ յուզել և լարել են Պոլսահայերին: 3000 հայեր թափուել են ազգային ժողովարանը, ուր Արշարունի պատրիարքը տուել է իւր դիմումների նկարագիրը:

Երեսփոխաններից Մուրադ, Փափագեան, Համայեակ Արամեան, Տէր Մովսիսեան և այլք յանուն իրենց կուսակցութիւնների արել են խիստ յայտարարութիւններ բազմաշարժար ազգակիցների տապալուելուն ու շարժուելուն շուտ դարման տանելու համար: Որոշուել է մի շարքով ևս սպասել, որպէս զի կազմուի երեսփոխանական անդամաց մեծամասնութիւն և իմացուի նաև կառավարութեան վերջնական ասելիքը, սովորական խոստումներից բացի:

Պատրիարքի մօտ

Պատրիարքի սպանալիքը պատրիարքաբանփակել, հրաժարուելը և բանալիները կառավարութեան յանձնելը Հնչակեանները սխալ քաղաքականութիւն են համարել: Ուղարկել են պատրիարքի մօտ մի առանձին պատուիրակութիւն, որ յայտնէ նորան, թէ չկրկնէ Դուրեանի սխալ քայլերը և մնալով իր պաշտօնում շարունակէ իր բողոքներն ու դիմումները կառավարութեան առաջ տարաբաղդ հայերի վիճակը բարուրդելու համար:

Ժողովրդականացող Օրմանեանը

Պոլսի թերթերը հազորդում են Օրմանեանի օր առօր աճող ժողովրդականութեան ու հեղինակութեան մասին, հակառակ Դաշնակցական ուղենձուրթեանց: Դաշնակցականները անմեղ դատապարտեալի ժողովրդականացման մէջ տեսնում են իրենց բարոյական անկումն ու ամօթապարտութիւնը: Մանրամասնութիւնները յաջորդել թերեւ:

Վերջին ՊԱՅՈՒՆ

Ազգային ժողովը կարգադրեւ Օրմանեան սրբազանը

Այս ուրբաթ օր Ազգային պատկառելի ժողովը խիստ կարևոր որոշում մը տուաւ զոր թերթերը չկարողացան արձանագրել՝ լուրսին ըլլալուն պատճառաւ:

Ազգ. ժողովը միաձայնութեամբ որոշեց թէ Օրմանեան սրբազանը իր վերայ ծանրացող ամբաստանութիւնէ մը բոլորովին զերծ էր և թէ չորս տարի է իվեր անմեղ տեղը կղատապարտէինք զինքը:

Լրագրներից

Ուրախ ենք որ հայկական լոնցուած արդարադատութիւնը վերջապէս

բարձրագույն և յաղթական կանգնեց հրապարակում և նորէն անպարտ հռչակուեց այն անմեղը, զէպի որը ցեւ ու թուք էին շարունակ բոլոր նորանք, որոնք նրա անկման և վարկաբեկման մէջ ապահովուած էին տեսնում իրենց գրպանի պարարտացումը և թայֆայական կծու շահերի յարատեւումը:

ԱՐՏԱՔԻՆ

Բալխանեցում

Գրաժ. Բերքիօղլի առաջադիր

Գր. Բերքիօղլը տալիս է իւր առաջարկների պարզաբանութիւնը: Աւստրո-Ունգարիոյ կառավարութիւնը գտնում է յարմար, որ Բրիտանիական ազգութիւնները ևս պէտքէ ստանան ընդարձակ վարչական ատենածէս ինչպէս Սլեանիան: Իւրաքանչիւր քր. ազգ պէտք է ազատ լինի օգտուելու իւր լեզուից և իրաւունք ունենայ հիմնելու ազգային-լուսաւորական հիմնարկութիւններ: Իւրաքանչիւր քր. ըրստ. ազգ իւր ղեկավարական ծառայութիւնը պէտքէ անէ իւր տերիտորիայում: Առ հասարակ գրաքը պահանջում է, որ Ալբանացոց տրուած իրաւունքները տրուեն նաև բրիտանիական ազգութիւններին:

«Նէօյէ Ֆրայէ Փրեսսէ»-ի թղթակիցը Օգոստ. 25 թուով հեռագրում է Պոլսից, որ եթէ Գրաքի առաջարկը պետութեանց կողմից հաւանելի լինի, ապա Տաճիկ կառավարութիւնն էլ կը պահանջի կապիտուլսիօնների փոխումը և ներմուծող ապրանքների հարկի աւելացումը: Այս դէպքում միայն Տաճկաստանը կգիշի տալ ընդարձակ վարչական րէֆորմներ:

Աւստրիոյ միջամտութիւնը

25 Օգոստ. Երէկ Աւստրո-Ունգարական դեպուտան մարկիզ Պալլաւիչի-Նին եկաւ Դուռը և միևնույն րոպէս արտակագ նիստից դուրս կանչեց արտ. գործոց մինիստր Նորիտունկեան Բէյին և հաղորդելով նորան Նովաբաղարի շրջանում, իբրև թէ, շարունակուող անկարգութեանց մասին, խնդրեց ձեռք առնել եռանդուն միջոցներ անգործութիւն վերականգնելու համար:

Մակեդոնիայում

25 Օգոստ. Դրութիւնը Մակեդոնիայում դառնում է յուզումնալից: Պրիլէպում, «Dette Publique» կալուածքում ուժերի պայթիւն տեղի ունեցաւ: Միւս պայթիւնն եղաւ Օրսիդ գիւղի մօտ: Մուսուլման ազգաբնակչութիւնը փորձեց Բուլղարական շարժառաջացել, սակայն արգելք եղաւ մաքսատան միւղիքը, որի վրայ թափեցին իրենց բարկութիւնը ուղղափառները: Միւղիքը ծեծուել է մերձ ի մահ:

Հացահատիկների առգելումը

Վեննայի առաջնորդող շրջաններում խորը տապաւորութիւն թողեց Սերբ կառավարութեան հացահատիկների արտասահման արգելման ֆակտը:

Ալբանիայում

Ըստ պայմանների՝ Տաճիկ կառավարութիւնը զիջեց նշանակել պաշտօնեաներ տեղական վարչական պաշտօններում:

Ապստամբութեան պարագլուխները այժմ գրուած են պատասխանատու պաշտօններում: Մահմէդ փաշան՝ Պրիզրէնի միւթասէրիքի, նախկին դէպուտատ Եհիան՝ Դիակովոյի կայմակամ,

Րիզա-Բէյը՝ և նախկին դէպուտատ Հասան-Բէյը նշանակուած են թէսարիֆներ, առաջինը Իպէկում, երկրորդը՝ Պրիշտինում:

Սերբական ջարդեր

Ալբանացիք շարժում և կողոպտում են հիւս. Ալբանիոյ Սերբ ազգաբնակչութիւնը: Սերբերի դրութիւնն անտանելի է:

Տանկաստան

Նախընտրական պայքար

25 Օգոստ. Սկսուած է նախընտրական պայքար: Իշխանութիւնը կազմում է նոր ընտրական ցուցակները որովհետև հին ցուցակները կազմուած էին անճիշտ՝ եր. թուրքերի ճնշման ներքոյ:

Մէջիդներում հոգեւորականութիւնը կռիւ է բարձրացրել «Միութիւն և Յառաջդիմութիւն» Կոմէտէտի դէմ եղողներին, անուանելով սոցա մասօններ և միւսիւման կրօնի թշնամիներ:

Ներքին գործոց մինիստրը ընտրական ցուցակները անճիշտ գրուելով հրամայեց կազմել նորերը:

Իսլական Նաւասոմը

Կ. Պոլիս 25 Օգոստ. Զմիւռնիոյ ջրերում լողում է 17 բազմանաւերից բաղկացած Իտալական մի էսկադրա: Այդ էսկադրայի ցոյցը այստեղ համարում են որպէս ճնշում՝ հաշտ. բանակցութիւնների ելքին ի նպաստ:

Զինասան

Հիմնական օրէքներ

Եռանշիկայր հաստատեց օրէքը պաթլամենտական ընտրութեանց, որ պէտք է սկսուեն Յունիս 10-ից

Տեսակցութիւն Բուխարում

Օգոստ. 25-ին Բուխարում տեղի է ունեցել Գրաք Բերքիօղլի և Ֆօն-Բէթրման-Հօլլէզի մտերմական բնակութիւն կրող տեսակցութիւնը: Բեռլինում այդ տեսակցութեան տալիս են քաղաքական նշանակ.: Ենթադրուած է, որ այդտեղ կմշակուի միասնական գործողութեան մի ծրագիր՝ Գրաք Բերքիօղլի առաջարկի տապալման կամ Բալխաններում յանկարծական բարդութեանց դէպքում:

Պ Օ Ս Ս Ա Ր Կ Ղ

Թէհրան—գործակալ պ. Մ. Փափագեանին. Ստացանք՝ բաժնեգների հաշուին Զեր ուղարկած 15 թուամսի խոխանակագիրը շնորհակալենք:

Մեր բաժանորդներին. Խոջեղրում ենք փակել Զեր ապուրկների հաշիւը:

Վերջին պահում

Ամիսներ շարունակ—հակառակ կար. եպս-ի անգամ եռակի և նաև մամուլով արած հրաւերներին—նիստեր չգումարող պատգմ. Ժողովը երէկ—Շեքարտ. հէնց առաջին հրաւերին ժողովելով միջայն Ատրրպատականի առաջնորդ է ընտրել Ժամանակաւոր կառավարչի պաշտօնով ելած հայր Մել. Թանգեանը:

Սեպտ. 6-ին Հ. Մել. Թանգեանը գնացել է Հաշի Շօշա-էդ-Դովլի և Սփահար Ասզամի տեսութեան:

Խմբագիր-հրատարակիչ՝

Ա. Տ. Վարդանեան

ՅԱՅՏԱՐԱՐՈՒԹԻՒՆՆԵՐ



„МАГАЗИНЪ ПАПЪЖЪ“
PROPRIÉTAIRE J. D. THOMASSIAN

ՓԱՐԻԶ ՄԱԿԱԶԻՆ

ԿԱՆԱՑԻ ՆՈՐ ԲԼՈՒԶՆԵՐ

ՇԱԼԵՐ ԵՒ ՓԵՇԵՐ

Եւ նոր կտրներ, նոյնպէս տերմօսներ, որոնք տաք կամ սառը շուրը 24 ժամ նոյն տեմպերատուրում պահելու յատկութիւն ունին:

ՇՏԱՊԵՑԷՔ ՕԳՏՈՒՆԷԼ ԱՌԻԹԻՑ

ԾԱԽՈՒՏՈՒՆ

Պարոն Մարտիրոս Նազարէկեանցի տան դիմաց

ԾԱԽՈՒՄ Է

Տ. Ալմաստ Սիմէօնեանցի տունը երկու սենեակ և ուրիշ յարմարութիւններով:

3—2

Դիմել Միքաա Տէր-Մանուկեանին

ՓՆՏՐԻՈՒՄ է մի տուն Հալա թաղում 3—4 սենեակներով: Սենեակները լինելու են մեծ ու լուսաւոր, յարմար զիրգամիներով, խոհանոցով և այլն: Վարձու տուողը դիմելու է պ. Վաղարշակ Զաքարեարին: